

Broj: 01-11-1046-3-JN/21  
Mostar, 24.12.2021. godine

Na osnovu člana 56. i 114. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05) i člana 70. stav (3) Zakona o javnim nabavkama («Službeni glasnik BiH» broj 39/14), Odluke o pokretanju postupka javne nabavke, broj:01-11-1046/21 od 10.12.2021. godine, u postupku javne nabavke usluge održavanja softvera informacionog sistema NKPND, federalni ministar trgovine d o n o s i

## O D L U K U

### o izboru ponuđača radi dodjele ugovora u predmetu javne nabavke usluga održavanja softvera informacionog sistema NKPND

#### I

Nakon provedenog postupka po pravilima Konkurentskog postupka za dostavu ponuda u predmetu javne nabavke usluga održavanja softvera informacionog sistema NKPND – Oznaka i naziv JRJN: 72000000-5 Usluge održavanja softvera informacionog sistema NKPND, ugovor se dodjeljuje ponuđaču Računalno programiranje v3 po ponuđenoj cijeni u iznosu od 22.500,00 KM bez uračunatog PDV-a, odnosno 26.325,00 KM sa uračunatim PDV-om.

#### II

Za provođenje ove Odluke zadužuje se Služba za finansijske poslove.

#### III

Ova Odluka objavit će se na web stranici Federalnog ministarstva trgovine [www.fmt.gov.ba](http://www.fmt.gov.ba), a istovremeno će biti upućena ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

#### IV

Ova Odluka stupa na snagu danom donošenja.

## Obrazloženje

Postupak javne nabavke pokrenut je Odlukom o pokretanju postupka javne nabavke usluga održavanja softvera informacionog sistema NKPND za period od 12 mjeseci, Oznaka i naziv JRJN: 72000000-5 Usluge održavanja softvera informacionog sistema NKPND, broj: 01-11-1046/21 od 10.12.2021. godine.

Javna nabavka provedena je putem Konkurentskog zahtjeva za dostavu ponuda. Procijenjena vrijednost javne nabavke bez PDV-a je 22.564,00 KM.

Komisija za javne nabavke imenovana Rješenjem federalnog ministra trgovine, broj: 01-30-164/21 od 23.02.2021. godine, objavila je na portalu javnih nabavki Obavještenje o nabavci broj: 127-7-2-18/21 od 10.12.2021. godine i istog dana poslala pozive na adrese tri ponuđača: Net – Informatički inženjering d.o.o. Mostar, Vukovarska 24, Mostar IN2 d.o.o. Sarajevo, Tešanjnska 24a, Sarajevo i Računalno programiranje v3 Put za Mostar 23 Čitluk.

U utvrđenom roku do 21.12.2021. godine do 15:00 sati pristigla je jedna (1) ponuda od ukupno sedamnaest (17) dobavljača koji su elektronski preuzeli tendersku dokumentaciju.

Dana 21.12.2021. godine u 16:00 sati izvršeno je javno otvaranje ponuda o čemu je sačinjen zapisnika sa otvaranja broj: 01-11-1046-2-JN/21 od 21.12.2021. godine.

Ponuda ponuđača Računalno programiranje v3 iznosila je 22.500,00 KM bez uračunatog PDV-a, odnosno 26.325,00 KM sa uračunatim PDV-om.

Komisija je započela sa pregledom i ocjenom ponude 21.12.2021. godine, izvršila kontrolu dostavljene dokumentacije, pri čemu je konstatovala da je dostavljena dokumentacija koja je propisana tenderskom dokumentacijom.

Nakon provedenog postupka, Komisija je dostavila zapisnik o ocjeni ponude za predmetnu nabavku i dala preporuku da se Ugovor o nabavci usluge održavanja softvera informacionog Sistema NKPND, dodijeli prihvatljivom ponuđaču Računalno programiranje v3, u skladu sa članom 89. stav (3) Zakona o javnim nabavkama.

Uvidom u cjelokupnu dokumentaciju provedenog postupka, prihvaćena je preporuka Komisije za javne nabavke, te je odlučeno kao u dispozitivu ove Odluke.

### Pouka o pravnom lijeku:

Ukoliko ponuđač smatra da je Ugovorni organ u toku provedenog postupka dodjele ugovora izvršio povrede Zakona o javnim nabavkama BiH ili podzakonskih akata, ima pravo da uloži žalbu na postupak Federalnom ministarstvu trgovine u roku od pet dana od dana prijema ove Odluke.

### Dostaviti:

1. Ponuđač Računalno programiranje v3
2. Službi za finansijske poslove
3. Službi za pravne i opće poslove
4. Komisiji za javne nabavke
5. a/a

